


3

LESCHELLE
DES
PARTISANS.
EN VERS
BURLESQUES.

M. DC. XLIX.





LESCELLE

DES

PARTISANS.

EN VERS

BVRLESQUES.



Ve la richessea de plaisir!
 Qu'elle contente le desir!
 Puis que l'on ne void point que l'homme
 Ait iamais d'assez grosse somme,

Et que tant plus il a d'argent

Tant plus il se croit indigent.

Cela vient que tout nous abonde

Quand nous auons dedans le monde

Ce metal doux & sauoureux

Qui tout seul nous peut rendre heureux.

Toutes choses nous sont vtiles,

Nous pouuons frequenter les villes,

944.03

M475m

872317

No. 1177

Nous allons sans estre esbahis
 Voyager en diuers pays,
 Nous faisons par tout nostre affaire,
 La terre est nostre tributaire,
 L'air nous fournit de quoy manger,
 L'onde nous permet de nager
 Pour aller dans vne autre terre
 Querir le thresor qu'elle enferme;
 Enfin il ne se trouue rien
 Qui ne conspire à nostre bien.
 N'est-ce pas vne grande force?
 Et si quelqu'un par cette amorce
 Se laisse porter aisement
 Dans vn si grand contentement,
 Qui pourroit auoir droit d'escrire
 Contre cét homme vne Satyre?
 Pour moy ie ne le blasme pas
 De se plaire dans ses appas,
 Ny de posseder vn Empire
 Si son ame n'en deuient pire,
 Et s'il ne prend à toute main
 La richesse de son prochain.
 I'en connois beaucoup dans la France
 Qui remplis de trop d'assurance
 Prennent à tort & à trauers
 Sur le bon & sur le peruers,
 Sans espargner ny Roy, ny Prince,
 Ny ville, ny grande Prouince,
 Pauvre, riche, Noble, artisan,
 Le Bourgeois, ny le Payfan,
 Faisant là par tout maison nette,
 Car tout est bon dans leur pochette.
 Ces gens là ie les dirois bien,
 Mais pourtant ie n'en feray rien;

Car

20.440

23744

.04

23748

Car S. Iean, ie crains que leur rage
 Neme fist quelque iour outrage,
 Tant ils sont enragez de voir
 Qu'on est fâché de leur pouuoir,
 Et ce leur est vn grand supplice
 Quand on descouure leur malice.
 Toutesfois maintenant ie veux,
 (Se mouche qui sera morueux)
 A cause qu'ils ont fait ma perte,
 Auoir tousiours la bouche ouuerte,
 Sans pourtant les vouloir nommer
 Pour les reprendre & les blasmer.
 Au mal qui n'a plus de reprise
 La voix nous est tousiours permise,
 Et l'on se plaint tres-iustement
 Quand on souffre quelque tourment.
 Ce seroit vne tyrannie
 Lors qu'on nous veut oster la vie
 De nous arracher à la fois
 Le plaisir avecque la voix.
 Ces meschans donc, & ces infames
 Ces vilains corps qui n'ont point d'ames
 Paroissent dedans les Estats
 Comme de graue Potentats,
 Bien qu'ils soient sortis de la lie
 D'vne famille enseuelie
 Dans la plus grande pauureté
 Où Irus ait iamais esté.
 Vn laquais, vn valet d'estable,
 Deuiet vn Commis detestable,
 Puis apres auoir bien volé,
 Bien rauy tout, bien recelé,
 Bien acquis l'or & la cheuance,
 On le place dans la Finance,

Où à peine il a fait vn pas
 Qu'il deuient Monsieur gros & gras,
 On le traîne dans vn carrosse,
 Il fait sa maison belle & grosse,
 Car toutes sortes d'Officiers
 Se trouuent chez les Financiers;
 Il choisit vne belle femme,
 Qui porte le titre de Dame,
 Car Damoiselle c'est trop peu
 Pour cesot qui se picque au jeu.
 Sous la faueur de cette fille
 Bien riche & de bonne famille
 Le Galand monté dans les Cieux
 Deuient fier & ambitieux,
 Il se met dans la fantaisie
 D'acheter vne Baronie,
 De se faire Comte ou Marquis
 Par les amis qu'il s'est acquis,
 Et pour que rien ne l'interresse
 Il prend vn titre de Noblesse,
 Faisant voir par son Escusson
 Qu'il sort des Comtes d'Alençon.
 Ces qualitez luy sont données,
 Sous des titres de mille années
 Qu'il cherche dans des vieux cahiers
 Les parchemins & les papiers.
 Sont rendus vieux par artifice,
 On les enfume & on les plice,
 On les casse bien proprement
 Pour en faire vn beau monument
 De vieillerie & d'antiquaille,
 Et pourtant ce n'est rien qui vaille.
 Dans ce point ne faut plus penser
 Que ce Monsieur vueille passer

Pour quelqu'un de la populace,
 Il porte plus haut son audace,
 Sa hantise est dedans la Cour
 On l'y voit de nuit & de iour,
 Les plus grands sont ses camarades,
 Qui luy font mille saluades;
 Mais le tout sçavez-vous pourquoy?
 Parce que Monsieur a de quoy.
 Parmy tant de belles fortunes,
 Qui pourtant ne sont pas communes,
 Son cœur est plus haut esleué
 Qu'un chien fientant sur un pauvé:
 Il tranche de l'excellent homme,
 Il ne parle plus que de Rome,
 De Venise, & des autres lieux
 Plus riche & peecunieux
 Desquels tous les mois on ne manque
 De luy faire tenir la Banque:
 Le voila dans le grand credit,
 On ne voit ny grand ny petit
 Qui bien-tost ne se diligente
 D'y porter son argent à rente.
 Il preste mesmement au Roy.
 Voicy meschant, voicy pourquoy
 Tu commences d'estre coupable;
 Car dis moy, qui t'a fait capable
 De prester à qui tu dois tout?
 Iene vois ny riue ny bout
 A la raison que tu peux dire,
 Et là ie cesserois d'escrire
 Si ie n'auois dessein d'aller
 Au point qui te fait reculer,
 Mais auparauant que i'y vienne,
 Il est besoin que ie t'apprenne,

Si tunc le veux pas sçauoir
 Autrement, quel est ton deuoir,
 Et que ie despeigne ta vie
 Telle quelle est, & sans enuie.
 Premièrement dans vn Estat
 Tu te souilles de peculat
 Peste du Royaume, & le vice
 Capable du plus grand supplice;
 Tu manges les grands & petits,
 Pour assouuir tes appetits,
 Et par mille tours de souplesse
 Tu voles avec hardiesse,
 Car qu'est-ce qu'un Monopoleur
 Sinon un brigand, un voleur
 Qui derobe avec assurance
 Les plus beaux thresors de la France:
 Qu'est-ce qu'un meurtrier assure?
 Qu'un homme plus denaturé
 Qu'un lyon ou bien qu'une louue,
 Qui deschire tout ce qu'il trouue?
 I'en dirois encore bien plus,
 Mais mon ame en fait le refus,
 Ne mettant pas sa complaisance
 A former vne medisance,
 Car tout ce que ma plume escrit
 N'arreste point dans mon esprit,
 Et passant ainsi qu'une nuë
 En vn instant se diminue,
 Tant ce crime me fait d'horreur,
 Mais pour te donner la terreur,
 Et pour changer la conscience
 Je monstre par experience,
 Qu'un Monopoleur ne vaut rien,
 Et qu'il n'est qu'un pilleur de bien,

Qu'il

Qu'il n'est qu'une mer & qu'un gouffre
 Où tout se perd & tout s'engouffre,
 Qu'il est criminel de tout point,
 Un meschant qui ne change point,
 Un endurcy dans sa malice,
 Une sentine de tout vice,
 Plus puant & plus infecté
 Qu'une charogne en plein Esté.
 Aussi lit-on dans nostre Histoire,
 Autrement on ne peut le croire,
 Qu'autrefois on les a perdus,
 Qu'on les a bruslez & pendus,
 Afin qu'ils serussent d'exemple
 A tout homme qui les contemple,
 Tesmoins en sont iusques icy
 Erouët & de Beaune aussi,
 Qui menez dans une charrette
 Finirent leur dernière traite
 A Mont-Faucon hors de Paris,
 Où le peuple avecque des cris
 Les poursuivant parmy les rues
 Se mocquoit de ces pauvres gruez
 qui se trouuoient bien esperdus
 De se voir ainsi confondus.
 Un Louys fit cette Iustice,
 Un Louys rechercha ce vice,
 Un autre Louys quelque iour
 Fera tout de mesme à son tour,
 quand il verra la decadence
 qu'ils ont faite parmy la France,
 Et que ses peuples ruinez
 pour cela se sont mutinez;
 plusieurs princes & grands Monarques
 Nous ont laissé de belles marques

Qui nous peuuent faire prudens
 A ne porter ces impudens,
 Dont les ames plus effrontées
 Que des Nerons & des Athées
 Voudroient nous auoir mis à bas.
 En effet ne voyons nous pas
 Que philippes a fait la guerre
 A cette vermine de terre,
 Et les a tous exterminéz
 Comme des matins acharnez
 A deuorer nostre substance,
 Sans que pourtant la penitence
 Ait peu iamais aucunement
 Adoucir leur entendement.
 Ce grand prince qui fut à Rome
 Estimé le plus prudent homme,
 Et pour le prince le meilleur,
 Ne fut-il pas leur assaillieur?
 Reprenant toute leur rapine,
 Dont ils auroient fait sa ruine,
 S'il n'eut pas eu tousiours le soin
 De les preuenir de bien loin,
 Leur faisant souuent rendre compte
 A leur regret, & à leur honte.
 L'Espagne mesmement a veu
 Son Estat enfin despourueu
 Par la main de ces miserables
 Dont les playes sont incurables,
 Et le Roy mesme n'auoir pas
 Chez luy de quoy faire vn repas.
 Et d'autant que l'Histoire est belle
 Je vous la veux rapporter telle
 Que ie l'ay leu premierement
 Sans changer vn mot seulement.

Henry troisieme de Castille,
 Prouinee bien riche & fertile,
 Reuenant vn iour de chasser
 Affin de se mieux delasser
 Voulut aller droit à la table
 Quand son cheual fut à l'estable,
 Mais ayant dit sa volonté
 Il ne trouua rien d'appresté;
 Entrant donc en colere, il mande
 Son Maistre d'hostel, & demande
 Pour quel suiet on n'auoit pas:
 Pour lors appresté son repas
 Le Maistre d'hostel luy dit, Sire,
 Vraiment ie ne vous l'osois dire,
 Mais pour vous parler franchement
 Ie ne sçache pas seulement
 Vn Maraue dis dans ma poche,
 Et ce qui vous est vn reproche
 Ie n'ay pas, pour vous heberger,
 De quoy seulement engager.
 Le Roy surpris de ce langage
 Changea tout à coup de visage,
 Et par vn acte tout nouveau
 Bailla luy-mesme son manteau,
 Pour auoir de la chair de Chevre
 Qu'on luy seruit avec vn lieure
 Qu'il auoit luy-mesme apporté
 Dont son dîner fut appresté.
 Pendant ceste espace ils'enqueste
 D'où luy venoit ceste disette,
 Et le comme il en fut aduertty
 Par vn homme de son party,
 Il reconneut les pilleries,
 Les larcins & les volleries,

Que ses Financiers exerçoient,
 Et que tous ils s'enrichissoient.
 Il se resout donc dès cette heure
 D'aller luy-mesme en leur demeure,
 Se desguisant dans vn tel point
 Que pas vn ne le conneust point.
 Si tost que la nuit fut venue,
 Comme enuveloppé d'une nuë
 (De meisme qu'un iour le Troyen
 Trompa Didon par ce moyen)
 Il se coula parmy la presse,
 Pour descouurir ce qui l'opresse.
 Comme il fut glissé parmy eux,
 Il vit vn festin somptueux
 Qu'on apprestoit dans vne sale,
 Il regarde comme on estale,
 L'or & l'argent de tous costez,
 Que de beaux mets sont apportez,
 Que tout va d'ordre, & qu'on ordonne
 Ce qui diroit à sa personne;
 Tous les galands de ce festin
 Estans Szouls ne parloient Latin,
 Mais dans leur langage ordinaire
 Il discouroient de leur affaire,
 Et faisoient comme vn resultat
 De ce qu'ils tiroient de l'Estat,
 Ils parloient de leurs heritages,
 De leurs champs, de leurs mariages,
 De leurs Offices, & comment
 Ils auoient du bien ample ment.
 Le Roy cependant qui desire
 De bien profiter de leur dire
 Se retira le iour venu
 Sans auoir esté reconnu,

Et

Et meditant en sa pensée
 Comme la chose estoit passée,
 Il fit cacher secretement
 Des soldats dans l'appartement
 Le plus proche de sa demeure;
 Et fit courir à la mesme heure
 Vn bruit qu'ils s'en alloit mourir
 D'un mal qui ne pouuoit guerir,
 Et qu'à l'instant il vouloit faire
 Son testament, & satisfaire
 A ses dernieres volontez.
 Il enuoya des deputez
 Vers les Banqueteurs dans la ville,
 Leur dire qu'il estoit vtile
 Qu'ils vinssent trouver vistement
 Ce Prince en son dernier moment.
 Ils accoururent tous bien viste,
 Et quand ils furent dans le giste
 Où l'on desiroit les tenir,
 Ils virent aussi tost venir
 Vne brigade de gendarmes
 Qui se tenoient tous sous les armes.
 Cela les estonna bien fort,
 Mais pourtant ignorans leur tort
 Ils restoient tousiours dans l'attente
 De voir l'effet qui se presente.
 Le Roy paroist à l'impourueu,
 Et à peine l'auoient ils veu
 Dans vne effroyable posture,
 Il estoit couuert d'une armure,
 Et tenoit vne espee en main,
 Et sous vn regard inhumain,
 Ayant le despit sur la langue
 Il commença cette harangue.

Messieurs, ie voudrois bien scauoir
 Combien de Roys il doit auoir,
 Dans le Royaume de Castille,
 Pour commander en cette ville,
 Et sur le reste du pays?
 Mes drolles lors bien esbahis,
 Ne respondoient point à leur Sire,
 Toutesfois vn d'entre eux va dire
 Comme estant le plus resolu,
 Qu'un seul Roy doit estre absolu.
 Le Roy, comme en voulant s'esbattre,
 Luy dit qu'il en auoit veu quatre,
 Et leur faisant recit de tout
 Ce qu'il scauoit, depuis vn bout
 Jusqu'à l'autre, il rendit leur ame
 Toute confuse de ce blâme,
 Si bien qu'ils ne scauoient comment
 Pallier cet euenement.
 Alors le Roy sans plus attendre
 L'un apres l'autre les fit prendre,
 Et faisant venir le bourreau
 Pour les jeter sur le carreau.
 Ces Messieurs perdirent l'enuie
 De mener plus si bonne vie,
 Et chacun se trouuant vaincu
 Ils auient tout bien peur au cu
 Si bien que se iettans par terre
 Malgré celuy qui les atterre,
 Ils prièrent si fort le Roy
 Qu'il les remit tous hors d'effroy,
 Se contentant de la menace,
 Et leur donnant à tous la grace.
 Il les tint pourtant en prison
 Pour les reduire à la raison,

Et les contraindre de luy rendre
 Ce qu'ils auoient bien scëu luy prendre.
 Vous qui prenez quel que interest
 A cela, iugez si l'arrest
 De ce Prince estoit de iustice
 Pour punir vn tel malefice,
 Ou s'il fut moins iuste que doux
 A ses hommes pareils à vous.
 C'est assez, car ie ne m'engage
 A vous en dire dauantage,
 Le reste vous l'entendez bien
 Si vous estes des gens de bien.
 Gardez bien que des cas semblables
 Ne vous fassent plus miserables
 Que vous n'avez iamais esté
 Auant dans la prosperité,
 Car l'auarice est vn abyme
 Qui meine dans vn autre crime,
 Et sur tout quand on a pouuoir
 De tousiours prendre & recevoir,
 Enfin tout d'vn coup il arrive
 que la fortune nous en priue,
 Et nous fait de beaux eschelons
 Pour trespasser à reculons.
 Ne blasmez donc point ie vous prie
 Ma plume, & ce qu'elle vous crie,
 Car au moins nous est il permis
 De reprendre nos bons amis,
 Tousiours la remonstrance est bonne
 Quand elle ne taxe personne.

F I N.

